

حقوقی بیکیں پر مجموعہ سی

آئندہ بر نشر اول نور

CHRONIQUE

شؤون

اصول محاکمه قومیسوئنده

یکی اصول محاکمه حقوقیه‌نک ایلک لایحه‌سی یدی بانی احتوا ایتمکده‌در .
اصول محاکمه قومیسوئی عمومی حکمره دائر اولان برنجی بابک ماده‌لرینی صورت
قطعی‌ده تثبیت ایلشد .

برنجی باب اون ایکی فصله منقسمدر :
برنجی فصل ، صلاحیت حقنده‌در . صلاحیت ، محکمه‌نک بر دعوائی حل ایچون
قانونی مآذونیتیدر .
ایکی نوعدر بری اختلافک نوعی اعتباریه اولان مآذونیتدرکه بوکا شمیدی‌یه قدر
وظیفه دنیلیمکده ایدی .

قومیسوئون بوتعبیر یرینه‌دها دوعری اولارق ذات مصلحت اعتباریه صلاحیت نامنی
ویرمکده‌در . بوقسم صلاحیت ، فصلک برنجی مبحثی تشکیل ایدیور .
مع‌ماقیه لایحه ، تورکیاده بولان استثنائی محکمه‌لرک بو نوع صلاحیتلرینی تعیین ایله
اشتغال ایتیه‌لرک بونی تشکیلات محاکم قانونلرینه ترک ایتمکده‌در . لایحه ، قیمت ومقدارینه
کوره صلاحیتک تعیین ایدلدیکی حالدرده بوقیمتی تعیین ایچون قابل تطبیق اولمق اوزره
بعض قاعده‌لر تعیینی ایله اکتفا ایتمکده‌در .

ینه بو صلاحیتک دیکر نوعی ، طرفینک ویا منازعه‌لی شینک بولندینی محل اعتباریه
محکمه‌نک دعوائی رؤیته مآذونیتیدر . بوده فصلک ایکنجی مبحثی تشکیل ایتمکده‌در .
قاعده‌اوله‌رق ، هر دعوانک مدعی‌لیک اقامتکاهی محکمه‌سنده رؤتی اساسی محافظه ایدلشد .
فقط بر شخص علیه‌نه ، موقفاً ساکن اولدینی محله دعوا اقامه اوله‌بیلیمک ایچون
برکیمسه‌نک مأموریت ، طلبه‌لک کبی ماهیت اشتغاله نظراً اوراده اقامتی برزمان تمانی
ایده‌جکی ملحوظ بولنلق لازمدر . مع‌مافه بومحله یالکزر مال دعواری اقامه اوله‌بیلوب
احوال شخصیه‌یه متعلق دعوالر کوریه‌من .

عقددن متولد دعوالرک ، عقدک وقوع بولدینی محله رؤیت اوله‌بیلیمس ایچون
دعوتیه‌نک او محله خصمه ویا وکیلنه تبلیغ ایدلش اولماسی شرطدر .

ایکینجی فصل ، حاکم دعوائی نه وقت رؤیتدن ممنوع بولندیفی و طرفیندن هر برینک نه وقت حاکمی رد ایده بیله جگنی تعیین ایدیور .
لایحه ایکی وضعیتی تفریق ایتشدرد :

آ . حاکم ، بالذات کندیسینک دوغریدن دوغرییه و یا دولایسیله علاقه دار اولدیفی ، و یا پک یقین خصملرینک و یا اداره هیئتندن بولندیفی جمعیت و شرکتک دعوالرینی رؤیتدن صورت مطلقه ده ممنوعدر . مع مافیه بوحالده حاکم ، طرفینک صریح و تحریری موافقتنه بناءً محاکمه ایشراک ایده بیلیر .

ب . حاکم ببطرفلغندن شبههیی دعوت ایدن جدی سبیلرک موجودیتی حالده طرفیندن بری طلب ایدر و یا خود حاکم لزوم کوررسه دعوائی رؤیتدن استکاف ایدر . عکس تقدیرده بوکي سبیلر موجود اولسه دخی محاکمه ایشراک ایده بیلیر .

اوچینجی فصل طرفین حقنده در ؛ طرفینک دعوایه اهلیتی قانون مدنی ایله معیندر [۱] . حکمی شخصلر محکمه ده صلاحیتدار عضولری واسطه سیله تمیل اولونور . بو عضولر نظامنامه لری ، و یا اداری قانونلر ایجابی بعض مقاملرک مآذونیتی آلدقندن سوکرا دعوا ایتک لازم کلیر . بو مآذونیتی آلامدقجه دعوایه اهل دکلدرلر . شو قادرکه محکمه احوال مستعجله ده دعوالرینی قبول ایله اکمال شرائط ایچون دعوائی تعلیق ایده بیلیر .
قانون طرفیندن برینک بر شخص ثالی محاکمه داخل ایتسندن و یا دخول محاکمندن بوبابده بحث ایتمکده در .

داخل محاکمه اصولی بستیون ده کیشمشدر . طرفیندن بری ، حق رجوعی اولدیفی قناعتنده بولندیفی کیمسه نک محاکمه داخل اولماسنی محکمه دن طلب ایتمز .

یالکزد دعوائی رسماً بو کیمسه یه اخبار ایدر . بوده ایسترسه دعوایه داخل اوله رق او طرفی مدافعه ایدر . ایلک جلسه محاکمه ده دعوائی شخص ثاله اخبار ایده جگنی بیان ایدر رسه کندیسینه بونک ایچون مهلت ویریلیر عکس حالده مهلت ویرلز فقط طرفینک

[۱] قانون مدنی اهلیت بحثنده دعوایه اهلیتی صریح بر صورتده موضوع بحث ایتامشدرد . بر معامله حقوقیه یه اهل اولان شخص او معامله دن متولد بر دعوائی اقامه و یا مدافعه یه اهلدر . از جمله عیز اولانلر شخصیله مربوط حققرینی قوللانغه مآذون اولدقلرندن بونی دعواده ایده بیلیرلر . نه کي حققرک شخصیله مربوط عد اولنه بیله جکی خصوصنده تورک قانون مدنیسی شرحه مراجعت ۱۶ ماده شرحی نومرو : ۴

هر بری دعوائی اخبار و شخص ثالث محاکمه داخل اولی صلاحیتاری هر زمان قوللانه بیلیرلر .

اخبار اوزرینه شخص ثالث دعوایه مداخله ایتیمزه بونی اخبار ایتیم اولان طرف دعوائی مقتدر اولدینی قدر تعقیب ایدر . غیر خطاسی اولمادقجه اخبار ایتدیکی کیمسه قارشو ، دعوائی فنا تعقیب ایتیم اولمسندن دولایی مسئولیتی یوقدر .

دردنجی فصل طرفین وکیللرینه مخصوصدر . دعواچیلرک بالذات دعوالرینی تعقیب صلاحیتاری قاعده اوله رق محافظه ایدلمشدر . فقط وکیل تعیین ایتیمک ایسترلرسه بونی بارویه داخل اولانردن بری آراسندن انتخاب ایتیمک مجبوریتنددر . کذلک دعواسنی لایقجه تشریح و ایضاحه مقتدر اولمایانلر وکیل تعینته اجبار اولنه بیلیر .

وکیل رسمی بروکالتنامه ایله محکمه یه کلک شرطدر . فقط ایلمک طلبده وکالتنامه سنی ابراز ایدمه مزسه دعواک رؤیتنه دوام و جلسه آیه ده ابراز ایتیمی وکیل امر اولونور . ینه ابراز ایدمه مزسه او وقت دعوا رد اوله رق وکیل شخصاً مصارف ایله محکوم ایدیلیر . وکیلک دعوائی تعقیب و تحقیقات ایچون یا ایستی اقتضا ایدن هر خصوصده مطلق بر مآذونیتی حائزدر . وکیلک مآذونیتی تحدید و قیید خصم عننده حکمسزدر . کذلک وکیللر متعدد ایسه ، مشترکاً ایفای وکالت ایدمه جکلری وکالتنامه ده مصرح اولسه دخی خصمه قارشو منفرداً حرکتلری معتبردر .

بشنجی فصل حاکم و طرفینک حل و وظیفه لرینی بیان ایتیمکده در . بو فصلده شایان قید شو حکملری کورورز : حاکم ، طرفیندن برینک کندیلمکندن بیان ایتدیکی بر فعل و معامله یی نظر دفته آله میه جنی کبی بونی خاطراته حق بر حرکتده بولتمقدن دخی ممنوعدر . طرفینه صوره جنی سؤاللر بونلرک کندیلمکلرندن سرد و بیان ایدمه جکلری حدود داخلنده قاللق مجبوریدر .

حاکم ملی قانوناری بیلیمکله مکلف اولدیغندن طرفین بونلرک موجودیتی اثبات ویا احکامنی ایضاح ایله مکلف دکدر . انجق طرفیندن بری اجنبی قانوننه استناد ایدیور و حادثه ده بو قانونک تطبیق ایجاب ایدیورسه بوقانونه استناد ایدن ، بونک موجودیتی و حکمی اثبات ایله مکلفدر . بوفصلک بلکه اک مهم حکمی شودر :

اصول محاکمه شکل قانونی اولدینی ایچون بوکا عدم رعایت ، محقق اولان برحقک ضیاعنی ایجاب ایتاملیدر . بناء علیه اصول محاکمه نقصاناری ایکیه آیرلمشدر .

بری اساسی اولانلردر که انتظام عمومی ایجابی وضع ایدیلان برقاعده‌ی اخلال ایدن ویاخود معامله‌دن قانوناً مقصود اولان نتیجه‌نک ضیاعه‌سببیت ویرمش اولان یولسزلقلاردر. بونلر بطلانی ایجاب ایدر. فقط طرفیندن بری بونی طلب ایتک شرطدر. بوندن باشقلری، اساسی اولمایان قصورلردر که طلب وقوعنده تصحیح اولونور. معامله‌نک بطلاتی ایجاب ایتمز. آلتنجی فصل تعدیل حقندهدر. بو کونکی اصول محاکمه‌مزدده، طرفیندن هر بری محکمه‌یه ویردیکی لایحه و استدعاری ویا یادیغی معامله‌لری حکمسز عدایتک ویا بونلری ده کیشدیرمک صلاحیتی حائز دکلدر. بناءً علیه محاکمه ائناسنده اساسی فدا ایتسی محتمل اولان بر خطا یا نیش ایشه بونی تصحیحه امکان یوقدر. فقط ممکن اولدیغی قدر اساس شکله ترجیح ایدلمک معقول اولدیغندن، یکی لایحه نوشتانلده اولدیغی کبی طرفیندن هر ایکسینه بر دفعه‌یه مخصوص اولق اوزره، ایستدیکی نقطه‌دن اعتباراً طرفیندن سبق ایدن معامله‌لری حکمسز بر افاق صلاحیتی طایمقدهدر.

انجی بو صلاحیتک سوء استعمال ایدلمسی چوق محتملدر. طرفیندن بری دعوائی اوزاتماق، خصمی ازعاج ایتک مقصدیلدهده بو حقنی قوللانه‌بیلر. انک ایچون بوبابده بعض قییدات قولنشدر. ازجمله اقرارلر معتبردر. بوندن رجوع جائز اولماز. شاهدلرک و اهل خبره‌نک یکیدن استماعی، و کشفک یکیدن اجراسی لازم کیز. بوتقییداته قومیسون اجتهداً دیگر بر قیید ده‌ها یا عیانی موافق بولمشدر: استدعاسنی ابطال ایدن مدعی، نتیجه ادعاسنی تزیید ایده‌مز. دیگر طرفیندن تعدیل ایدن، دعوائی غائب ایتمش کبی بوتون مصرفلردن مسئول عد اولنشدر.

یدنجی فصل دعوادن فراغت ویا خصمک نتیجه ادعاسنی قبوله دائردر. سکزنجی فصل تأمینات حقندهدر. اول امرده، اصول محاکمه نقطه‌سندن تأمینات ویرلمک لازم کلن حاللرده بونک نه شکلده اوله‌بیله‌جکی تعیین اولمقدهدر. قاعده اوله‌رق کفیلک درجه اقتدارینی تحقیق مشکلاتنه بناءً آلمانیا‌ده اولدیغی کبی کفالت شخصی اصولی قبول اولنما‌مشدر: محکمه‌جه مناسب کوریله‌جک مقدار پاره ویا اسهام و تحویلات ده‌بو ایدلمک صورتیله تأمینات ارا‌ئه اولنلیدر. شوقدر که بعض مسائلده استثناء شخصی کفالتنه مساعدده اولنمقدهدر.

تورکیاده مقیم اولمایانلر مدعی صفتیله حرکت ایتک ایسترلرسه تأمینات ویرمه‌ک مجبوردرلر. فقط بونلر تورکیاده مقیم دیگر بر شخصی کفیل کوستره‌بیلر.

دوقوزنجی فصل ، موقت تدبیر لر حقنده در . قانونده معین سبیلردن بری بولنما دجه
مجردسند ابرازی ایله حجاز احتیاطی طلب اولونماز . دیگر طرفدن محکمه مستعجل تعمیرات ،
نفقه کبی احوالده و بوشانما و تفریق حالنده قانون مدنیده موضوع بحث موقت تدبیر لری ده
[۱] اتخاذ ایده بیلیر . موقت تدبیر لره ، احوال مستعجله مستثنا اولوق اوزره طرفین استماع
اولندقدن صوکر اقرار ویریلیر .

استماع اولندان قرار ویرلش ایسه دیگر طرفک اعتراض حق واردر .
اوننجی فصل معاملهلرک شکلی حقنده در . برنجی مبجسته دعوتیه لرایله اوراقک نه شکله
تبلیغ اولنه جنی تعیین اولونور . بومبجسته شایان قید بر تعدیل شودر که : اوراق تبلیغ
اولنه حق کیمسه اقامتگاهنده بولنماز سه بو اوراق قابویه یاپیشدیر یله مز بلکه هیئت اختیار یه دن
برینه و یاپولیس مرکزینه تودیع اولونور . و کیمه تودیع ایدلدیکی تودیع اولنان شخصک
موضح آدره سی ایله برابر بر کاغده یازیله رق قابویه یاپیشدیر یلیر . واک یقین قومشویه
کیفیت اخبار اولونور . بو صورتله تبلیغ اولنه حق اوراقک غائب اولسی احتماللری
ازالتمش اولمقدده در .

اون برنجی فصل مهلتلردن و کچن مدتلرک حکمسز عد ایدلسندن باحدر . مهلتلر
حقنده بورجلر قانوننده کی احکام محافظه ایدلشددر . مدت ظرفنده فوق العاده سبیلر آلتنده
حق قوللانیلاماش ایسه کچن مدتلر حکمسز عد اولنه رق بونک یکیدن جریانه باشلامسی
قبول اولنشددر .

اون ایکنجی فصل تعطیله متدائر در . بالعموم محکمه لرک سنه ده بر بحق آی تعطیل
ایتمسی قبول ایدلشددر بوسایه ده حاکم لرک ، آووقاتلرک هم ذهنأ استراحتلری وهم ده شخصی
و خصوصی ایشلرخی کوره بیلملری تأمین اولنشددر . پک مستعجل اولان ایشلردن باشقه
هیچ بر دعوایه تعطیله باقیله ماز . و مدتلر جریان ایتمز .

[قانون مدنی بو تدبیرلرک نهدن عبارت اوله بیله جکنی تصریح ایتمشددر . تفصیلات ایچون
تورک قانون مدنیسی شرحه مزاجت ۱۱۷ ماده شرحی نومرو ۲ و ۳